

Konkurs za eTwinning ambasadora u Bosni i Hercegovini

Obavještavamo Vas da eTwinning Državna služba za podršku - Agencija za predškolsko, osnovno i srednje obrazovanje (NSO) raspisuje konkurs za jednog eTwinning ambasadora koji rade sa djecom srednjoškolskog uzrasta u Bosni i Hercegovini. NSO bira ambasadora na period do kraja projektnog ciklusa. eTwinning ambasador treba biti iskusni korisnik eTwinning portala, koji je zainteresiran da sudjeluje u promociji eTwinning portala i eTwinning aktivnosti u području svoje škole/predškolske ustanove i šire.

Zadatci eTwinning ambasadora su:

- pružanje pomoći NSO-u prilikom organiziranja događaja unutar BiH u vezi s promocijom eTwinning portala i pojašnjavanjem osnova ili detalja za rad portala
- organiziranje i samostalno provođenje promotivnih i edukativnih događaja i obuka u školama i predškolskim ustanovama u BiH u koordinaciji s NSO-om s ciljem povećanja broja registriranih eTwinners-a, povećanja broja eTwinning projekata i njihovog kvaliteta
- organiziranje online obuka korištenjem IKT (informaciono-komunikacijskih tehnologija) alata; softver za online obuke osigurava NSO
- doprinos u razmjeni primjera dobrih praksi s kolegama u BiH i u drugim zemljama
- sudjelovanje na sastancima, konferencijama i seminarima, samostalno ili sa ostalim eTwinning ambasadorima u zemlji ili inozemstvu na koje ih uputi NSO ili dobije poziv organizatora događaja, a uz suglasnost NSO-a
- pružanje drugih informacija u vezi sa provođenjem eTwinning-a u BiH i druga vrsta pomoći NSO-u.

Tijekom planiranja i provođenja navedenih aktivnosti neophodno je da ambasadori kontinuirano surađuju s NSO i od nje dobiju suglasnost za svoje aktivnosti, posebno u slučajevima kada one podrazumijevaju i potrebu za financijskom podrškom. NSO će snositi putne troškove za sve događaje za koje ambasadori budu angažirani.

Uvjeti za prijavu:

Zainteresirani kandidati trebaju ispunjavati sljedeće uvjete:

- da su zaposleni u srednjoj školi u BiH/za prijavu za ambasadora iz područja srednjoškolskog obrazovanja
- da su registrirani na eTwinning portalu <https://schooleducation.ec.europa.eu/en/etwinning>
- da dobro govore engleski jezik (međunarodni događaji namijenjeni eTwinning ambasadorima održavaju se najčešće na engleskom jeziku, razmjena primjera dobre prakse s drugim zemljama sudionicama eTwinning-a se, također, odvija na engleskom jeziku)
- da koriste IKT alate neophodne za rad na eTwinning portalu (alati za komunikaciju, pretraživanje, razmjenu materijala i oglašavanje)
- da imaju razvijene organizacijske, komunikacijske i prezentacijske vještine.

Odabir kandidata

Kandidati koji su ušli u uži izbor bit će obaviješteni putem maila. Konačna odluka o odabiru eTwinning ambasadora iz BiH bit će donesena nakon konkursne procedure. Sa izabranim kandidatima bit će zaključen poseban ugovor. Prilikom odabira eTwinning ambasadora vodit će se računa o geografskoj

zastupljenosti predstavnika srednjih škola/predškolskih ustanova iz različitih dijelova BiH, o uzrastu djece s kojom rade i uspješnosti na eTwinning portalu. eTwinning ambasadori obavezni su tijekom obavljanja dužnosti ambasadora biti aktivni i o svojim aktivnostima obavještavati NSO. Ukoliko ambasador tijekom djelovanja u toj ulozi nije aktivan, u periodu dužem od dva mjeseca, NSO zadržava pravo da ambasadora razriješi dužnosti.

Napomena: Naglašavamo da se aktivnosti eTwinning ambasadora često preklapaju s radnim vremenom zaposlenih u srednjoj školi/predškolskoj ustanovi.

Kako se prijaviti? Poziv za konkurs za eTwinning ambasadora bit će objavljen na www.aposo.gov.ba i na FB stranici eTwinning BiH.

Potrebno je na mail adresu etwinningbih@aposo.gov.ba poslati:

- * motivacijsko pismo;
- * biografiju osobe u Europass formatu;

Konkurs ostaje otvoren do 22. 09. 2025 godine, a sve dodatne informacije možete dobiti putem maila: etwinningbih@aposo.gov.ba